

ქ. თბილისი

„20“ „თებერვალი“, 2024 წ.

ერთის მხრივ, აფხაზეთის ავტონომიური რესპუბლიკის იძულებით გადაადგილებულ პირთა სამინისტრო, ს/კ 249259582 (შემდგომში „შემსყიდველი“), წარმოდგენილი მინისტრის მოადგილის გიორგი ბულისკერიას სახით და მეორეს მხრივ, შპს ჯიეიზ, ს/კ 405134652 (შემდგომში „მიმწოდებელი“) წარმოდგენილი მისი დირექტორის გიორგი ჩხაიძის სახით, შემდგომში წოდებულნი „მხარეებად“ სახელმწიფო შესყიდვების შესახებ კანონის, „ელექტრონული ტენდერის ჩატარების წესის“ და ელექტრონული ტენდერის (NAT240002197) ჩატარების შედეგად, ხსენებული ტენდერის სატენდერო პირობებისა და წინადადების საფუძველზე, რომლებიც, ასევე, წარმოადგენენ წინამდებარე ხელშეკრულების განუყოფელ ნაწილს, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვს შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) – „სახელმწიფო შესყიდვების შესახებ“ საქართველოს კანონის საფუძველზე, შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომელზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულებასახელმწიფო შესყიდვის შესახებ;
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების საგანი

2.1. აფხაზეთის ავტონომიური რესპუბლიკის იძულებით გადაადგილებულ პირთა სამინისტროს ბალანსზე რიცხული 6 (ექვსი) ერთეული (3 მსუბუქი სედანის ტიპის და 3 მაღალი გამავლობის ჯიპის ტიპის) ავტოსატრანსპორტო საშუალებების (ხელშეკრულების დანართით განსაზღვრული) რეცხვის მომსახურების შესყიდვა ტალონური სისტემით (CPV კოდი: 50112300) აუქციონის გარეშე ელექტრონული ტენდერის (NAT240002197) საფუძველზე.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 5040,00 (ხუთი ათას ორმოცი) ლარს (დაფინანსების წყარო: 2024 წლის აფხაზეთის ავტონომიური რესპუბლიკის ბიუჯეტი).
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესასყიდი მომსახურების მოწოდებასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.
- 3.3. წინამდებარე ხელშეკრულების ღირებულების გაზრდა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 3.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების

10%-ზე მეტი ოდენობით გაზრდა.

4. მხარეთა უფლება-მოვალეობანი

4.1. მიმწოდებელი პასუხისმგებელია გაწეული მომსახურების ხარისხსა და დროულობაზე. იგი ვალდებულია შემსყიდველის კუთვნილ ავტომობილებს მოემსახუროს ოპერატიულად.

4.3. მიმწოდებელი ვალდებულია უზრუნველყოს ტექნიკური დავალებით განსაზღვრული რაოდენობების რეცხვის ტალონების უსასყიდლოდ დამზადება და შემსყიდველისათვის ეტაპობრივი მიწოდება შემსყიდველის მოთხოვნიდან არაუგვიანეს 5 (ხუთი) კალენდარული დღის ვადაში.

4.4. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.

5. მომსახურების მიღება-ჩაბარების წესი

5.1. მომსახურების გაწევის ვადა: ხელშეკრულების გაფორმებიდან ეტაპობრივად, შემსყიდველის მიერ რეცხვითი ტალონის წარმოდგენისთანავე, 2024 წლის 31 დეკემბრის ჩათვლით.

5.2. მომსახურების გაწევის ადგილი ქ. თბილისში მიმწოდებლის სამრეცხაო ობიექტ(ებ)ზე:

- პეტრე ქავთარაძის ქ. №19;
- ერთიანობისთვის მეზობლთა ქუჩა 42.

5.3. ტალონების მიწოდების ვადა და ადგილი: ხელშეკრულების გაფორმებიდან ეტაპობრივად, შემსყიდველის მოთხოვნიდან არაუგვიანეს 5 (ხუთი) კალენდარული დღის განმავლობაში შემდეგ მისამართზე: ქ. თბილისი, ზურაბ ანჯაფარიძის ქ. ნ 5 ა.

6. ხელშეკრულების შესრულების კონტროლი

6.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს სამინისტროს ადმინისტრაციული დეპარტამენტის უფროსი დავით ჭედიძე.

6.2. მიმწოდებელი ვალდებულია საკუთარი სახსრებით თავად უზრუნველყოს ინსპექტირების შედეგად გამოვლენილი ხარვეზის გამოსწორება.

6.3. შემსყიდველს უფლება აქვს განახორციელოს ტექნიკური კონტროლი ან/და შეამოწმოს მომსახურება, რათა დარწმუნდეს მის შესაბამისობაში ხელშეკრულებით გათვალისწინებულ ტექნიკურ პირობებთან. ამასთანავე, შემსყიდველი უფლებამოსილია გადაამოწმოს მიმწოდებლის მიერ წარმოდგენილ მისამართ(ებ)ზე განთავსებული ავტოსამრეცხაო(ებ)ის შესაბამისობა სატენდერო დოკუმენტაციის ტექნიკურ პირობებთან მიმართებაში.

7. მომსახურების გაწევის პირობები, ხარისხი და გარანტია

7.1. მიმწოდებელი იძლევა გარანტიას, რომ მის მიერ გაწეული მომსახურება არ გამოავლენს ხარვეზებს, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზის გამოსწორება.

7.2. სედანის ტიპის მსუბუქი ავტომობილების და ჯიპის ტიპის ავტომობილის რეცხვა უნდა მოხდეს შემდეგი პირობებით:

7.2.1. მიმწოდებელმა უნდა უზრუნველყოს ავტომობილების როგორც გარედან, ისე შიდა (სალონი საბარგული) რეცხვა. ამასთან რეცხვა უნდა მოხდეს ხელით სპეციალური მოწყობილობების, ინვენტარისა და სარეცხი საშუალებების გამოყენებით;

7.2.2. რეცხვისთვის გამოყენებულ უნდა იქნეს მაღალი ხარისხის სარეცხი და საწმენდი საშუალებები (ქაფი, გელი, სპეციალური სითხეები, საბურავების საწმენდი საშუალებები და სხვა);

7.2.3. მომსახურების გაწევის დროს მიმწოდებლის ბრალეულობით შემსყიდველის ავტომობილზე მიყენებული ინტენსიური ზარალის აღმოფხვრის ხარჯების ანაზღაურება ეკისრება მიმწოდებელს.

8. ანგარიშსწორება

8.1. ანგარიშსწორება მიმწოდებელთან განხორციელდება ლარში.

8.2. ანგარიშსწორება განხორციელდება ეტაპობრივად, შესაბამისი ავტომობილის რეცხვის ტალონის გამოყენების მეშვეობით გაწეული მომსახურების მიღება-ჩაბარების აქტისა და შესაბამისი საგადასახადო ანგარიშგაქტურის (კანონმდებლობით დადგენილ შემთხვევაში) წარმოდგენიდან არაუგვიანეს 10 (ათი) სამუშაო დღის განმავლობაში.

8.3. ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე.

9. ხელშეკრულებაში ცვლილებების შეტანა

9.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

9.2. წინამდებარე ხელშეკრულებაში ნებისმიერი სახის ცვლილებების ან/და დამატებების შეტანა შესაძლებელია მხოლოდ წერილობითი ფორმით, ორივე მხარის მიერ ხელმოწერილი შეთანხმების საფუძველზე.

9.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10. უფლებების გადაცემა

10.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

11. ფორს-მაჟორი

11.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში, ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

12. მხარეთა პასუხისმგებლობა ხელშეკრულების პირობების დარღვევისათვის

12.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში, მხარეები პასუხს აგებენ საქართველოს მოქმედი კანონმდებლობის შესაბამისად.

12.2. ხელშეკრულებით ნაკისრი ვალდებულებების ვადაგადაცილებით შესრულების შემთხვევაში, მიმწოდებელს დაეკისრება პირგასამტეხლოს გადახდა - შეუსრულებელი ვალდებულების ღირებულების 0.02%-ის ოდენობით ყოველ ვადაგადაცილებულ დღეზე.

12.3. ხელშეკრულებით ნაკისრი ვალდებულების შეუსრულებლობის შემთხვევაში, შემსყიდველი იტოვებს უფლებას ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ჯამური ღირებულების 10%-ის ოდენობით.

12.4. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

13. ხელშეკრულების შეწყვეტა

13.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

13.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 5 დღით ადრე.

13.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.4. ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

13.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) თუ მიმწოდებლის მხრიდან ადგილი ექნება მის მიერ ნაკისრი ვალდებულებების შეუსრულებლობას ან არაჯეროვნად შესრულებას;

გ) მხარეთა შეთანხმებით;

დ) საქართველოს კანონმდებლობით გათვალისწინებულ სხვა შემთხვევებში.

14. დავების გადაწყვეტის წესი

14.1. ხელშეკრულების დამდები მხარეები თანხმდებიან მასზედ, რომ მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

14.2. თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

15. სხვა პირობები.

15.1. ხელშეკრულება ძალაში შედის ხელშეკრულების გაფორმებიდან და მოქმედებს 2025 წლის 31 იანვრის ჩათვლით.

15.2. მხარეები ხელშეკრულებაზე ხელმოწერით ადასტურებენ, რომ აღნიშნული შესყიდვის განხორციელებაში მათი მონაწილეობა არ იწვევს ინტერესთა კონფლიქტს.

15.3. ხელშეკრულების მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

15.4. წინამდებარე ხელშეკრულების ნებისმიერი ცვლილება და დამატება ძალაშია მხოლოდ მას შემდეგ, თუ ის შედგენილია წერილობითი ფორმით და ხელმოწერილია მხარეთა მიერ.

15.5. ხელშეკრულება შედგენილია ქართულ ენაზე და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმომწერ მხარეებთან.

16. მხარეთა ხელმოწერა

შემსყიდველი: აფხაზეთის ავტონომიური რესპუბლიკის იძულებით გადაადგილებულ პირთა სამინისტრო მის.: ქ.თბილისი, ვაჟა-ფშაველას გამზ. N16 ტელ.: 577092395; 595504235 ელ-ფოსტა: devnilta.info@gmail.com ს/კ 249259582 ხაზინის ერთიანი ანგარიში TRESGE22 მინისტრის მოადგილე გიორგი ბულისკერია	მიმწოდებელი: შპს ჯიეიზ მის.: თბილისი, ზურაბ ანჯაფარიძის ქ. ნ. 5 ა ტელ.: +995599883280 ელ-ფოსტა: lmvholding@gmail.com ს/კ 405134652 მომსახურე ბანკი: საქართველოს ბანკი ანგარიშის ნომერი: GE39BG0000000498492905 დირექტორი გიორგი ჩხაიძე
---	--

ხელშეკრულების დანართი N1

	დასახელება	რეცხვის რაოდენობა	ერთეულის ღირებულება, ლარი	მთლიანი ღირებულება, ლარი
1	სედანის ტიპის მსუბუქი ავტომობილის რეცხვის მომსახურება	120	17,00	2040,00
2	მაღალი გამავლობის ჯიპის ტიპის ავტომობილის რეცხვის მომსახურება	120	25,00	3000,00
	ჯამი, ლარი			5040,00

შემსყიდველი: აფხაზეთის ავტონომიური რესპუბლიკის იძულებით გადაადგილებულ პირთა სამინისტრო მის.: ქ.თბილისი, ვაჟა-ფშაველას გამზ. N16 ტელ.: 577092395; 595504235 ელ-ფოსტა: devnilta.info@gmail.com ს/კ 249259582 ხაზინის ერთიანი ანგარიში TRESGE22 მინისტრის მოადგილე გიორგი ბულისკერია	მიმწოდებელი: შპს ჯიეიზ მის.: თბილისი, ზურაბ ანჯაფარიძის ქ. ნ. 5 ა ტელ.: +995599883280 ელ-ფოსტა: lmvhholding@gmail.com ს/კ 405134652 მომსახურე ბანკი: საქართველოს ბანკი ანგარიშის ნომერი: GE39BG0000000498492905 დირექტორი გიორგი ჩხაიძე
--	--